



輿地廣記
附札記

一




輿地廣記附札記

二




輿地廣記
附札記


三




輿地廣記
附札記
四



輿地廣記
附札記
五



輿地廣記
附札記
六






輿地廣記

附札記

(一)

歐陽忞撰




輿地廣記

附札記

(二)

歐陽忞撰



輿地廣記

附札記

(三)

歐陽忞撰



輿地廣記

附札記

(四)

歐陽忞撰



輿地廣記

附札記

(五)

歐陽忞撰



輿地廣記

附札記

(六)

歐陽忞撰

王雲五主編
叢書集成初編
輿地附錄
第六冊

中華民國二十六年十二月初版

撰者 歐陽忞

發行人 王雲五
長沙南正街

印刷所 商務印書館
長沙南正街

發行所 商務印書館
各埠

四庫全書總目

輿地廣記三十八卷

宋歐陽忞撰。晁公武讀書志謂實無其人。乃著書者所假託。陳振孫書錄解題則以爲其書成於政和中。忞。歐陽修從孫。以行名。皆連心字爲據。按此書非觸時忌。何必隱名。疑振孫之說爲是。然修。廬陵人。而此本有忞自序。乃自稱廣陵。豈廣廬字形相近。傳寫致譌歟。其書前四卷先敘歷代疆域。提其綱要。五卷以後。乃列宋郡縣名體例。特爲清析。其前代州邑。宋不能有。如燕雲十六州之類者。亦附各道之末。名之曰化外州。亦足資考證。雖其時土宇狹隘。不足括輿地之全。而端委詳明。較易尋覽。亦輿記中之佳本也。

重雕曝書亭藏宋刻初本輿地廣記緣起

余喜藏書而兼喜刻書。欲舉所藏而次第刻之。力有所不能也。會鄱陽胡果泉先生典藩吳郡。敷政之餘。留心選學。聞吳下有藏尤槧者。有人以余對。遂向寒齋以百金借鈔。蓋酬余損裝之資。而實助余刻書之費。洵美意矣。用是藉爲權輿。取所藏宋刻輿地廣記刻之。始於己巳之春。畢於壬申之夏。經營三年。方得竣事。迨刷印以行。乃顧而喜曰。是書湮沒不彰久矣。余雖得之。第藏之篋笥已耳。苟非果泉先生之助。余剗安能使晦者忽顯乎。今幸矣。余所藏之書。既賴果泉先生代傳之。而余所刻之書。亦賴果泉先生仗助之也。余不敢沒人之惠。故以刻書原委。登諸簡首。俾好古者有所觀感焉。至是書宋刻勝於它本之處。別爲札記。附於卷末。敢以質諸後之讀是書者。

嘉慶壬申季夏士禮居主人黃丕烈識

輿地廣記序

古者風俗醇厚。士大夫安於所習。而無外慕不足之心。故其藝必專。兌之戈。和之弓。僚之於圓。秋之於奕。皆以此終其身。而名後世。而人亦未有能加之者。及至後世。日益奢靡。未始不欲以其一身擅天下之能事。而終無所至。嗚呼。此後之君子。所以有媿於古歟。地理之書。雖非有深遠難見之事。然自歷世以來。更張改作。先王之制。無一在者。自非專門名家。而從事於此者。其孰能知之。予不佞。自少讀書。私嘗留意於此。嘗自堯舜以來。至于今。爲書凡三十八篇。命之曰輿地廣記。凡自昔史官之作。與夫山經地誌。旁見雜出。莫不入於其中。庶幾可以成一家之言。備職方之考。而非口傳耳受。嘗試之說者也。傳曰。執璿璣以觀大運。則天地之動未足怪也。據會要以觀方來。則六合輻湊未足多也。統之有宗。會之有源。則繁而不能亂。衆而不能惑。地理之書。紛雜殺亂。卒然視之。漫不可省。雖深識博聞之君子。亦且以爲病。而又安知是非之所在。其所以處之。將必有道矣。夫以今之州縣。而求於漢。則爲郡。以漢之郡縣。而求於三代。則爲州。三代之九州。散而爲漢之六十餘郡。漢之六十餘郡。分而爲今之三百餘州。雖其間或離或合。不可討究。而吾胸中蓋已了然矣。譬如三十幅之車。制之以轂。二篇之策。統之以乾坤。豈不約而易操乎。是以願廣其書于世。必有能辨之者。世之君子。其試以是觀之。政和□□年三月日廬陵歐陽忞序。

輿地廣記卷第一

禹貢九州

晉	絳	慈	隰	河中	解	太原	遼	威勝	平定	汾	忻	代
嵐	石	憲	澤	潞	崑嵐	寧化	火山	保德	真定	中山	趙	深
冀	河間	祁	保	莫	雄	霸	信安	永寧	順安	保定	安肅	廣信
相	磁	邢	洛	懷	衛	晉寧	雲	應	新	襄	儒	毅
蔚	朔	幽	涿	易	檀	薊	媯	平	營	安北都護	鎮北都護	

單于都護

右古冀州地。按冀州禹貢不言封界。蓋堯都所在。以餘州見之。疆域尤廣。梁州境宇雖遐遠。而雜以夷獠。中夏惟冀州最大。山

東之人。性緩尚儒。仗氣任俠。大行恒山之東。而鄴郡高齊國都。浮巧成俗。自北齊之滅。衣冠士人多遷關內。惟伎巧商販及樂戶實移鄴郭。由是人情險詭。至

今好許訟。山西土瘠。其人勤儉。而河東魏晉以降。文學盛興。魏朴君譏為河東守。開置學官。親執經教。郡中化之。自後河東特多儒者。閭井之間。習

於成法。并州近狄。俗尚武藝。左右山河。古稱重鎮。韓信謂陳稀曰。天下精兵處也。後漢末。天下擾亂。高幹為并州刺史。車招說幹曰。并州左有恒山之。右有大河之關。